

CYNGOR SIR YNYS MÔN	
Adroddiad i:	Pwyllgor Gwaith
Dyddiad:	28 Hydref 2019
Pwnc:	Gostwng Oed mynediad Ysgol Llandegfan
Aelod(au) Portffolio:	Cynghorydd R. Meirion Jones
Pennaeth Gwasanaeth:	Mr Rhys Howard Hughes
Awdur yr Adroddiad: Rhif Ffôn: E-bost:	Meinir Hughes 01248752947 MeinirHughes@ynysmon.gov.uk
Aelodau Lleol:	Cynghorydd Lewis Wyn Davies Cynghorydd Carwyn Elias Jones Cynghorydd Alun Roberts

A – Argymhelliad/Argymhellion a Rheswm/Rhesymau

Cefndir

Derbyniodd Adran Addysg Cyngor Ynys Môn gais gan Gorff Llywodraethu Ysgol Llandegfan i gynnal ymgynghoriad ynglŷn â gostwng oed mynediad yr ysgol. Golyga hyn y bydd Ysgol Llandegfan yn derbyn disgyblion yn rhan amser o'r mis Medi yn dilyn eu pen-blwydd yn 3 oed; hyn yn weithredol o Fedi 2020.

Yn bresennol fe dderbynnir disgyblion i Ysgol Llandegfan yn llawn amser yn y Medi yn dilyn eu 4ydd pen-blwydd.

Cred y Corff Llywodraethu y byddai hwn yn esblygiad pwysig yn natblygiad yr ysgol. Yn ogystal â hyn golyga y bydd y disgyblion yn cael mynediad i ddarpariaeth eang a chyfoethog.

Ar hyn o bryd mae Cylch Meithrin a Grŵp Meithrin [cyfrwng Saesneg] yn darparu addysg ar gyfer y grŵp oedran yma. Trwy ostwng oed mynediad mae'r Corff Llywodraethu yn awyddus i sicrhau cysondeb, dilyniant a pharhad yn addysg y disgyblion yn ogystal â darparu addysg feithrin ffurfiol ar gyfer plant y dalgyloch. Hyderir y bydd y cynnig hwn yn cynnal y safonau presennol, neu'n eu gwella, o ran yr addysg, y ddarpariaeth a'r arweinyddiaeth a rheolaeth.

Bydd hyn hefyd yn galluogi'r ysgol i ddarparu gofal plant, fforddiadwy a hyblyg i rieni sydd yn dymuno dychwelyd i'r gwaith.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Opsiwn - Parhau gyda'r trefniadau presennol

Nid yw hyn yn opsiwn yn y tymor hir gan y bydd trefniadau moderneiddio yn debygol o effeithio ar y ddarpariaeth fel ag y mae yn bresennol.

Ni ellir gwarantu cysondeb yn y ddarpariaeth cyn ysgol yn arbennig o ran y ddarpariaeth ieithyddol sydd yn bodoli yn bresennol.

Er mwyn sicrhau ein bod yn ymateb yn llawn i ofynion y Cynllun Strategol ar gyfer y Gymraeg mewn Addysg bydd y cynnig hwn yn ffafrio gostwng oed mynediad er mwyn sicrhau fod y Gymraeg yn flaenoriaeth barhaus yn ysgolion y dalgylch ac Ynys Môn.

Mae'r trefniadau presennol hefyd yn golygu nad yw'r ysgol yn gallu cynnig clwb gofal/brecwast i'r disgyblion meithrin ac fel canlyniad mae rhieni yn dewis mynd a'u plant i ysgolion cyfagos er mwyn gallu derbyn y ddarpariaeth hwn.

C – Am ba reswm y mae hwn yn benderfyniad i'r Pwyllgor Gwaith?

Mae newid ystod oedran ysgol yn "newidiad a reoleiddir" o fewn trefn ail strwythuro ysgolion ac o fewn gofynion Cod Trefniadaeth Ysgolion, 011/2018.

Penderfyniad i'r Pwyllgor Gwaith yw hyn ac mae angen iddynt gyhoeddi cynigion ar y newid gan ystyried yr ymatebion.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

Mae'r Awdurdod wedi dilyn y broses gydag ysgolion eraill tros y blynyddoedd diwethaf. Bellach mae bron pob ysgol gynradd y sir yn derbyn disgyblion yn dilyn eu pen-blwydd yn 3 oed. Byddai hyn yn sicrhau cysondeb o ran addysg feithrin yn y dalgylch ac ar draws y sir.

D – A yw'r penderfyniad hwn o fewn y gyllideb a gymeradwywyd gan y Cyngor?

Ydy.

DD – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	
2	Cyllid / Adran 151 (mandadol)	
3	Cyfreithiol / Swyddog Monitro (mandadol)	
4	Adnoddau Dynol (AD)	
5	Eiddo	
6	Technoleg Gwybodaeth Cyfathrebu (TGCh)	
7	Caffael	
8	Sgriwtini	
9	Aelodau Lleol	
10	Unrhyw gyrff allanol / arall/eraill	

E – Risgiau ac unrhyw gamau lliniaru (os yn berthnasol)		
1	Economaidd	
2	Gwrthdlodi	
3	Trosedd ac Anhrefn	
4	Amgylcheddol	
5	Cydraddoldebau	
6	Cytundebau Canlyniad	
7	Arall	

F - Atodiadau:
Cais y Corff Llywodraethu i ostwng oed mynediad. Rhan o gofnodion y Corff Llywodraethu, 1 Gorffennaf, 2019 pan drafodwyd y mater.

FF -Papurau Cefndir (cysylltwch os gwelwch yn dda gydag awdur yr adroddiad am unrhyw wybodaeth bellach):
Dim

COFNODION CYFARFOD LLYWODRAETHWYR

MINUTES OF THE GOVERNORS' MEETING

YSGOL LLANDEGFAN

6yh/ 6pm DYDD LLUN 1af o ORFFENNAF 2019 / MONDAY 1st JULY 2019

Rhan o gofnodion y Corff Llywodraethu / Part of the Governing Body minutes

Meithrinfa yn yr Ysgol	<i>School Based Nursery</i>
Oherwydd nad yw'r Cynllun Moderneiddio yn mynd yn ei flaen bellach mae'r Awdurdod angen i'r ysgol ail-gadarnhau a oes angen Meithrinfa yn yr ysgol. Cytunwyd yn unfrydol y dylai'r cynlluniau i gael Meithrinfa fynd yn eu blaen. Bydd angen cynnal ymgynghoriad i hysbysu'r Pwyllgor Gwaith o benderfyniad y Corff ac i fod yn eglur iawn ynglŷn â'r hyn yr ydym yn ei ddisgwyl. Adroddodd y Pennaeth bod yr ysgol eisoes wedi colli 11 o ddisgyblion drwy beidio â chael clwb brecwast. Cytunodd yr aelodau i gyd mai dyma'r ffordd ymlaen a gosodwyd targed ar gyfer Medi 2020.	<i>Following the collapse of the Modernisation Plan the Authority now wants the school to re-confirm if they still require a school based Nursery.</i> <i>It was unanimously agreed that this should go ahead.</i> <i>A consultation will need to take place, to inform the Executive of the Governors decision and be very clear as to what we expect.</i> <i>Headteacher reported that by not having a breakfast club which would open at 8am the school have already lost 11 pupils.</i> <i>All members agreed that this was the correct way forward and have set a target date for September 2020</i>



**YSGOL GYNRADD LLANDEGFAN
LLANDEGFAN, YNYS MÔN, LL59 5UW**



Ffôn/Tel: 01248 713431

Ebost/Email: pennaeth.llandegfan@ynysmon.gov.uk

Safle'r Rhyngrwyd/Website: <http://ysgolllandegfan.cymru/index.html>

Pennaeth / Headteacher: Mr D Hood

Annwyl Mr A Williams,

Yn dilyn cyfarfod diweddar o'r Corff Llywodraethol yma yn Ysgol Llandegfan. Hoffwn ofyn eto am eich caniatad i ddechrau ar broses o ymgynghoriad i fewn i'r posibilid o agor yr Ysgol i gynnig darpariaeth feithrin oddi mewn i'r Ysgol. Hoffwn i hyn ddechrau mewn modd a fyddai'n ein galluogi, petai'r ymgynghoriad yn ffafriol i agor a chynnig y ddarpariaeth yn Medi 2020.

Teimlwn fel Corff fod ystyried hyn yn hanfodol bwysig ar gyfer datblygiad yr Ysgol wrth iddi symud yn ei blaen, ar gyfer ehangu ar yr hyn sydd gennym i'w gynnig ac i barhau i yrru safonau a sicrhau y ddarpariaeth orau i'n disgyblion yma yn Llandegfan.

Gwerthfawrognw eich ymateb gyda y camau nesaf fydd angen eu cwblhau.

Yr Eiddoch yn Gywir

Cyng C. Jones

Cadeirydd y Corff Llywodraethol